



## Universitätsbibliothek Paderborn

**D. Bernardi Primi Clarævallensis Abbatis, Ordinis  
Cisterciensium Antesignani, melliflui Ecclesiæ Doctoris  
Sermones In Dominicas & Festa per annum**

**Bernardus <Claraevallensis>**

LVII. De septem signaculis per Christum solutis.

**urn:nbn:de:hbz:466:1-39254**

mētretas ternas. Et illi quidem duo prædicti timores de futuro, sunt valde tiles. Sed est alius timor de præsenti multò probabilior, quo timet homo, & semper est pavidus, ne interna gratia deseratur. Quisquis igitur hoc timore repletus fuerit, profecto binis metretas ternas addidit.

Notandum autem quod cum hydriæ plenaæ factæ sunt usque ad summum, tunc aqua verba est in vinum bonum, quia nimurum ordo rationis est, ut si timor est initium charitatis, perfectum sequatur etiam plenitudo dilectionis. Unde etiam Architriclinius dicit ad sponsum <sup>d</sup>: *Omnis homo pri-  
mum vinum bonum ponit : & cum inebriati fuerint, tunc id quod deterius est.*  
*Tu autem servasti vinum bonum usque adhuc.* Confuetudinis est sacerularium hominum, ut cum aliquem honorem adipisci desiderant, ceteros sibi prius per amorem acquirant. Cum vero adepti fuerint, clati potestate, eos ipsos per timorem sibi postmodum subjiciunt, quibus prius privati non terrorem, sed amorem exhibuerant. Ipsi ponunt primum bonum vinum, id est amorem : & cum inebriati fuerint, tunc id quod deterius est, id est, timorem. E contrario facit Sponsus noster. Semper enim servat ad ultimum bonum vinum: quod vero in eius comparatione deterius est, ante propinat, dicens : *Fili accedens ad servitutem Dei, sita in timore.* Si ex timore te feceris ipsius servum, faciet te ex charitate amicum suum. Et sic aqua timoris commutabitur in vinum dilectionis. Ad hoc enim purificatis in illis sex hydriis aquis timoris, ad hoc in timore accedis ad ipsum tanquam servus ad Dominum, ut de servo provecharis in filium.

## SERMO LVII.

De septem signaculis per Christum solutis.

**E**cce vicit leo de tribu Juda : radix David aperire librum, & solvere septem signacula eius. Septem signacula sunt, temporalis nativitas, legalis circumcisio, Matris purgatio, fuga in Aegyptum, carnis necessitudo, baptismus, passio. Haec siquidem sunt vera quædam humanitatis insignia, quibus se teneri ac ligari voluit incarnata Dei sapientia. Ipsa quippe est secunda in Trinitate persona : & licet eandem incarnationem simul fecerint Pater & Filius & Spiritus sanctus; non tamen Pater aut Spiritus sanctus est incarnatus, sed solus Filius. Implevit quidem & Pater & Spiritus sanctus carnem Filii, à quo neuter eorum poterat separari; sed implevit maiestate, non susceptione. Ideoque Filius ostendit in carne potentiam Patris per opera, exhibuit bonitatem Spiritus sancti remittendo peccata; & quod ipse erat, id est, Sapientia, occultavit per illa prædicta signacula. Facta est igitur res mira & obstupenda. Infirmata est virtus summa, & ut ita dicam, si dici liceat, quod tamen reverenter dico; quasi infatuata est sapientia. Nec eru- besco dicere, quod non erubuit Doctor gentium docere. Sic nempe credidit, sic

Sermones S. Bernardi.

Vuuu

docuit.

<sup>d</sup> Ioan. 2. 2

Timor tandem  
convertitur in  
amorem.

<sup>e</sup> Eccli. 2. 2

<sup>a</sup> Apoc. 5. b

SS. Trinitatis  
operatio circa  
Incarnationem  
Christi.

¶ 1. Cor. 1. d

docuit, sic scriptum reliquit. Nos, inquit b, prædicamus Christum crucifixum, Iudeis quidem scandalum, gentibus autem stultitiam: ipsis autem vocatis Iudeis atque Græcis, Christum Dei virtutem, & Dei sapientiam: qui a. quod stultum est Dei, sapientius est hominibus: & quod infirmum est Dei, fortius est hominibus.

*Christi virtus  
& sapientia  
in opere Re-  
dempt. per hu-  
milit. abscon-  
dita.*

¶ Rom. 6. b

¶ Psal. 107. a

Veruntamen hæc virtus abscondenda erat, & in humilitate perficienda: ut omnium implerentur oracula Prophetarum. Passus est ergo in cruce impassibilis Deus: & in carne nostra mortali mortuus ac sepultus immortalis Dei Filius. Sed ecce tertia die resurrexit à mortuis: & qui Agnus extiterat in passione, Leo factus est in resurrectione. Surrexit, & vicit Leo de tribu Iuda: quia mortem quam ex infirmitate nostra pertulit, ex virtute sua resurgendo calcavit. Resurgens enim à mortuis, iam non moritur, mors illi ultra non dominabitur. Resurgendo autem & in cælum ascendendo, librum aperuit, quia nimis ex auctoritate sacrae Scripturæ, quod Deus esset, innotuit. Unde scriptum est <sup>4</sup>: Exaltare super cælos Deus, & super omnem terram gloria tua. Septem quoq; eiusdem libri signacula solvit; quando eloquia laeta fidelium mentibus reseravit; & quicquid de mysteriis suis lex & Prophetæ sub allegoriis prædixerant, de his scilicet, quæ per hominem temporaliter gessit, de se prædicta, & in se ac per se cōpleta, luce clarius indicavit.

## S E R M O L V I I I .

*De tribus mulieribus mortuum ungentibus, id est, mente, manu,  
lingua salutem proximi curantibus.*

¶ Marc. 16. 4

S. Greg. in  
Homil. Pasch

*Tres mulieres  
tropolog.*

¶ Ibidem.

**Q**uid est quod post mortem eius tres illæ sanctæ mulieres emerunt aromata a, ut in monumento positum ungerent eum? Quid in sua actione nobis reliquerunt imitandum? Res enim gesta (ut ait beatus Gregorius) aliquid in sancta Ecclesia signat gerendum. Et nos ergo si Christum mortuum, id est, fidem Christi mortuam in corde cuiuspiam fratris senserimus, danda nobis opera est, ut ad ungendum corpus mortuum emptis aromatis accedamus. Significant autem tres illæ mulieres tres in nobis efficiencias, quæ sibi congrua comparant aromata. Quæ sunt illæ? Mens, manus, lingua. Omnis enim qui emit, dat & accipit aliquid: & quod dat, perdit, ut possideat quod accipit. Dat igitur mens nummum propriæ voluntatis, & comparat affectum compassionis, zelum justitiae, discretionem consilii. Dat manus obedientiam, & emit in tribulatione patientiam, in opere perseverantiam, in carne continentiam. Dat lingua nummum confessionis, & accipit modum in correctione, copiam in exhortatione, efficaciam in persuasione.

Talibus unguentis compositis, dum ad monumentū simul venerint, colloquuntur invicem & dicunt b; *Quis revolvet nobis lapidē ab ostio monumenti?*

Lapis